

外臺祕要

S25-4

1474

1部

卯 11

1

共 40 册



重訂唐王燾先生外臺秘要方第一卷目錄

傷寒上門

諸論傷寒八家合一十六首

論傷寒日數病源并方二十一首

肘後方七首

深師方四首

小品方四首

集驗方五首

千金方六首

千金翼方一十三首

崔氏方一十五首

附一方



南京中醫藥大學圖書館版權所有

張文仲方一十首

古今錄驗方八首

雜療傷寒湯散丸方八首

並是論中所要

高德按
今有方
七者



唐王燾先生外臺秘要方第一卷

宋朝散大夫守光祿卿直秘閣判登聞鼓院上護軍臣林億等

中憲大夫徽州府知府當湖玉井陸錫明校閱

新安後學程行道敬通父訂梓

諸論傷寒八家合一十六首

尚德按此文王叔和傷寒例首引之蓋是一書未詳誰何氏所作也又按周

陰陽大論云春氣溫和夏氣暑熱秋氣清涼冬氣凜冽此則四時正氣之序也冬時嚴寒萬類深藏君子周密則不傷於寒觸冒之者乃名傷寒耳其傷於四時之氣皆能為病以傷寒為毒者以其最成殺厲之氣也中而即病者名曰傷寒不即病者寒毒藏於肌膚中至春變為溫病至夏

小臺秘要

卷

一



密傷寒
例作固

孟按
傷寒論
天冷作
天涼

變為暑病暑病者熱極重於溫也是以辛苦之人春夏多

溫熱病者皆由冬時觸冒寒冷之所致非時行之氣也

時行者春時應暖而反大寒夏時應熱而反大冷秋時應

涼而反大熱冬時應寒而反大溫此非其時而有其氣是

以一歲之中長幼之病多相似者此則時行之氣也

仲景
病源

王叔和曰傷寒之病逐日淺深以施方治今世人得傷寒

或始不早治或治不對病或日數久淹困乃告醫醫又不

知次第而治之則不中病皆以臨時消息制方無不効也

今搜採仲景舊論錄其證候診脉聲色對病真方有神驗



者擬防世急也又土地高下寒温不同物性剛柔食居亦

異是故黃帝興四方之間岐伯舉四治之能以訓後賢開

其未悟臨病之工宜須兩審也小品千金同

又曰夫表和裏病一作陽盛陰虛下之而愈汗之則死裏和表病

一作陽虛陰盛汗之而愈下之則死夫如是則神丹不可以誤發

神丹丸在此卷崔氏部中六味者是也甘遂何可以妄攻甘遂者水導散也

部中其遂等二味表裏之治相背千里吉凶之機應若

影響然則桂枝下咽表和則斃桂枝湯在此卷仲景日數

承氣入胃裏平則亡承氣湯在此卷仲景日數此表裏虛實

之交錯其候至微發汗吐下之相友其禍至速而醫術淺



狹爲治乃誤使病者隕沒自謂其分至今冤魂塞於冥路

死尸盈於曠野仁者鑒此豈不痛歟 千金同

又凡兩感病俱作治有先後發表攻裏本自不同而

妄意者乃云神丹甘遂合而服之且解其外又除其內

巧似是於理實違安危之變豈可詭哉夫病發熱而惡寒

者發於陽無熱而惡寒者發於陰發於陽者可攻其外發

於陰者宜溫其內發表以桂枝溫裏宜四逆 四逆湯在第二卷傷寒不

得眠部中三 ○通按第二卷傷寒不得眠部並無四逆湯 味者是也 三味方惟小便不利部內有四逆散加減法

華佗曰夫傷寒始得一日在皮當摩膏火灸即愈若不解



者至二日在膚可法鍼服解肌散發汗汗出卽愈若不解者至三日在肌復發汗則愈若不解者止勿復發汗也至四日在胃宜服藜蘆丸微吐則愈若更困藜蘆凡不能吐者服小豆瓜蒂散吐之則愈視病尚未醒醒者復一法

之

藜蘆丸近用損人不錄之瓜蒂散在卷末雜療中范汪方二味者是也

五日在腹六日入

胃入胃則可下也若熱毒在胃外未入於胃而先下之者其熱乘虛便入胃則爛胃也然熱入胃病要當須復下去之不得留於胃中也胃若實熱致此爲病三死一生此輩皆多不愈胃虛熱入爛胃也其熱微者赤斑出劇者黑斑出赤斑出者五死一生黑斑出者十死一生但論人有強



弱病有難易功效相倍耳病者過日不以時下之熱不得

泄亦胃爛斑出矣

上弱氏曰藜蘆丸見第五卷許仁則瘰瘡云曾用釋深師一方大効三味者逆

似

若得病無熱但狂言煩燥不安精采言語與人不相主當

者勿以火迫之但以五苓散一方寸匕水和服之

五苓散仲景云

猪苓散是也在第二卷傷寒中風部中千金翼方五味者是也

當以新汲井水強飲一升

許若一升半可至二升益佳令以指刺喉中吐之病隨手

愈不即吐者此病輩多不善勿強與水水停即結心下也

當更以餘藥吐之皆令相主當者不爾即危若此病不急

以猪苓散吐解之者其死殆速耳亦可先吐去毒物及法



鍼之尤佳

又云春夏無大吐下秋冬無大發汗發汗法冬及始春大

寒宜服神丹丸亦可摩膏火灸膏在雜療中黃膏七味自膏四味范汪方是也

若末春夏月初秋凡此熱月不宜火灸又不宜厚覆宜服

六物青散青散在雜療中范汪方六味者是也若崔文行度障散度障散在雜療中范

汪方四味赤散赤散在雜療中范汪方七味者是也本出華佗雪煎亦善雪煎在雜療中

古今錄驗方若無丸散及煎但單煮柴胡數兩傷寒時行

並可服也不但一也至再三發汗不解當與湯實者轉下

之其脉朝夕馱者為實癰也朝平夕馱者非澀也轉下湯

為可早與但當少與勿令下多耳少與當數其間

尚德按障千金作障注文亦當從之



尚德按
此條疑

當與上
文相合

為一條

病有虛煩熱者與傷寒相似然不惡寒身不疼痛故知非

傷寒也不可發汗頭不痛脉不緊數故知非裏實也不可

下如此也外皆不可攻而師強攻之必遂損竭多死矣請

虛煩但當行竹葉湯竹葉湯在第三卷天行虛煩部中出文仲方是也若嘔者與

橘皮湯一劑不愈者可重與也橘皮湯在第二卷傷寒嘔噦部中四味者是也出於

深師方此法宮泰數用甚效傷寒後虛煩亦宜服此湯仲景

十金方同

陳廩丘云或問得病連服湯藥發汗汗不出如之何荅曰

醫經云連發汗汗不出者死吾思可蒸之如蒸中風法蒸

濕之氣於外迎之不得不汗出也後以問張苗苗云曾有

通按
蒸濕二
字千金
作熱溫



人作事疲極汗出臥單篋中冷得病但苦寒蹠諸醫與

散湯四日之內凡八發汗汗不出苗令燒地布桃葉蒸之

即得大汗於被中就粉傅身極燥乃起便愈後數以此發

汗汗皆出也人性自有難使汗出者非但病使其然蒸之

無不汗出也

小品千金同蒸法在此卷崔氏日數部中阮河南法又有桃葉湯熏其法在第三卷天行

部中文仲方支太素法是

范汪論黃帝問於岐伯曰人傷於寒而得病何以反更為

熱岐伯曰極陰變陽寒盛則生熱熱盛則生寒諸病發熱

惡寒脉浮洪者便宜發汗當發汗而其人適失血及大下

利如之何岐伯荅曰數少與桂枝湯使體潤漿漿汗纔出

通按

千金無

黃帝岐

伯問荅

似妥

尚德按

千金諸

病發熱



連日如此自當解也 千金同

九卷云黃帝曰傷寒熱病死候有九 太素云不一曰汗不

出大灌發者死 太素云汗不出大 ○ 通按靈樞熱病論中

二曰泄而腹滿甚者死 甚一作黃 三曰目不明熱不已者死四

曰老人嬰兒熱病腹滿者死五日汗不出嘔下血者死六

曰舌本爛熱不已者死七曰欬而衄汗不出出不至足者

死八曰髓熱者死九曰熱而瘕者死熱病瘕者腰反折瘰

癧齒噤齟也熱病七八日脉微小病者便血口中乾一日

半而死熱病七八日脉不躁不數後三日中有汗三日不

汗四日死熱病已得汗而脉尚躁盛此陰脉之極也死其



得汗而脉靜者生熱病脉常盛躁而不得汗者此陽脉

極也死脉盛躁得汗者生

甲乙太素同士弱氏曰灌驟也漬也先不出汗後則

漑之驟至而淋滴浸漬亡陽也

小品論曰古今相傳稱傷寒為難療之病天行溫疫是毒

病之氣而論療者不別傷寒與天行溫疫為異氣耳云傷

寒是雅士之辭云天行溫疫是田舍間號耳不說病之異

同也考之衆經其實殊矣所宜不同方說宜辨是以畧述

其要焉 出第十卷中千金同

千金論曰人生天地之間命有遭際時有否泰吉凶悔吝

苦樂安危喜怒愛憎存亡憂畏關心之慮日有千條謀身

小臺必要 一卷 六



之道時生萬計乃度一日是故天無一歲不寒暑人無一
日不憂喜故有天行瘟疫病者則天地變化之一氣也斯
蓋造化必然之理不得無之故聖人雖有補天立極之德

而不能廢之雖不能廢之而能以道御之其次有賢人養

於攝生能知樽節與時推移亦得保全天地有斯瘴癘還

以天地所生之物以防備之命曰知方則病無所侵矣然

此病也俗人謂之橫痃多不解療皆云日滿自差以此致

枉者天下大半凡始覺不佳即須救療迄至於病愈湯食

競進折其毒熱自然而差必不可令病氣自在恣意攻人

拱手待斃斯為誤矣今博採群經以為上下兩卷廣設備

通按

兼字千

金作勢

夏安



好養生者可得詳焉

又夫傷寒病者起自風寒入於腠理與精氣分爭榮衛不
隔周行不通病一日至二日氣在孔竅皮膚之間故病者
頭痛惡寒腰背強重此邪氣在表發汗則愈三日以上氣
浮在上部填塞胃心故頭痛胃中滿當吐之則愈五日以
上氣沉結在藏故腹脹身重骨節煩疼當下之則愈明矣
當須消息病候不可亂投湯藥虛其胃氣也經言脉微不
可吐虛細不可下又夏亦不可下此醫之大禁也

文仲同

又脉有沉浮轉能變化或人得病數日方以告醫雖云時
覺視病已積日其病源結成非復發汗解肌所除當診其

按
字千
源字作



祭或卽
後條痼
疾二字

外臺秘要

脉隨時形勢救解求免也不可苟以次第爲固失其機要
乃致禍矣此傷寒次第病三日以內發汗者謂當風解
夜臥失覆寒濕所中并時有疾疫賊風之氣而相染易爲
惡邪所中也至於人自飲食生冷過多腹藏不消轉動稍
難頭痛身溫其脉實大者便可吐下之不可發汗也

又凡人有少病苦似不如平常則須早道若隱忍不療冀
望自差須臾之間以成痼疾小兒女子益以滋甚若天行
不和當自戒勒若有小不和則須救療尋其邪由及在腠
理以時早療鮮有不愈者患人忍之數日乃說邪氣入藏
則難可制此雖和緩亦無能爲也癰疽疔腫尤爲甚急此

通按
勸字宜
是勸千
金作謹
更別顯

自養之至要也

又凡作湯藥不可避晨夜時日吉凶覺病須臾即宜便治
不等早晚則易愈矣服藥當如方法若縱意違師不須療
之也

又凡得時氣病五六日而渴欲飲水飲不能多不當與也
所以爾者腹中熱尚少不能消之便更與人作病矣若至
七八日大渴欲飲水者猶當依證而與之勿令極意也能
飲一斗者與五升若飲而腹滿小便澀若喘若噦者不可
與之飲而忽然汗出者已愈也人得病能飲水者欲愈也

出第九卷中

高德按
此字上
子金有
言字



經心錄論曰傷寒病錯療禍及如反覆手耳故諺云有病
不治自得中醫者論此疾也其病有相類者傷寒熱病
溫濕病陰毒陽毒熱毒溫疫天行節氣死生不同形
別宜審詳也

出第二卷中

論傷寒日數病源并方二十一首

素問黃帝曰夫熱病者皆傷寒之類也或愈或死其死皆
以六七日間其愈皆以十日以上者何也岐伯曰巨陽者
諸陽之屬也其脈連於風府故爲諸陽主氣也人之傷於
寒也則爲病熱熱雖甚不死其兩感於寒而病者必死帝
曰願聞其狀岐伯曰一日巨陽受之故頭項痛腰脊強二



通接
夾字
作扶

通接
傷寒本

日陽明受之陽明主肌肉其脈夾鼻絡於目故身熱目疼
而鼻乾不得臥三日少陽受之少陽主膽其脈循脇絡手
耳故胃脇痛而耳聾三陽經絡皆受其病而未入於藏者
故可汗而已四日太陰受之太陰脈布胃中絡於嗑故腹
滿而嗑乾五日少陰受之少陰脈貫腎絡肺繫舌本故口
燥舌乾而渴六日厥陰受之厥陰脈循陰器而絡於肝故
煩滿而囊縮三陰三陽五藏六府皆受病榮衛不行五藏
不通則死矣其不兩感於寒者七日巨陽病衰頭痛少愈
八日陽明病衰身熱少愈九日少陽病衰耳聾微聞十日
太陰病衰腹減如故則思飲食十一日少陰病衰渴止不

文無不
滿二字

尚德按
此以下

三條疑

當與上

文相合
為一條

通按
諸字
作識

滿舌乾已而噎十二日厥陰病衰囊縱少腹微下大氣皆
去病日已矣

帝曰治之奈何岐伯曰治之各通其藏脉病日衰已矣其未

滿三日者可汗而已其滿三日可泄而已

又帝曰其病兩感於寒者其脉應與其病形何如岐伯曰

兩感於寒病者病一日則巨陽與少陰俱病則頭痛口乾

煩滿而渴也二日則陽明與太陰俱病則腹滿身熱不欲

食譫語三日則少陽與厥陰俱病則耳聾囊縮厥逆水漿

不入不知人則六日而死

帝曰五藏已傷六府不通榮衛不行如是之後三日乃死



何也岐伯曰陽明者十二經脉之長也其氣血盛故不知

人三日其氣乃盡故死

出第九卷中甲乙大素同

病源傷寒一日太陽受病太陽者小腸之經也為三陽之

首故先受病其脉終于腰脊主於頭項故得病一日而頭

項背膊腰脊痛也

尙德按小腸病源作膀胱

又傷寒二日陽明受病陽明者胃之經也主於肌肉其脉

絡鼻入目故得病二日肉熱鼻乾不得眠也諸陽在表表

始受病在皮膚之間故可摩膏火灸發汗而愈

出第七卷中

仲景傷寒論傷寒一二日心中悸而煩小建中湯主之方

桂心 三兩

甘草 炙二兩

生薑 三兩

大棗 十二枚

尙德按傷寒論

通按肉字疑作肌

經也手太陽小腸乃膀胱蓋

通按小腸二

字當作

膀胱蓋

小腸乃

手太陽

經也

通按

肉字疑



膠飴 一升

芍藥 六兩

右六味切以水七升先煮五味取三升去滓內飴更

火微煮令消解温服一升日三服如嘔家不可服建中

湯以甜故也忌海藻菘菜生葱 千金翼同出第三卷中

○張仲景傷寒論傷寒一二日內麻黃湯主之
此云小建中湯非也此方但治心中悸而煩

病源傷寒三日少陽受病少陽者膽之經也其脉循於脇

上於頸耳故得病三日胷脇痛而耳聾也三陽經絡始相

傳病未入於藏故皆可汗而解 出第七卷中

仲景傷寒論療太陽病三日發其汗病不解蒸蒸發熱者

屬調胃承氣湯方



尚德按
傷寒論

甘草二兩
芒硝半斤

甘草 炙三兩
芒硝 半升
大黃 四兩

右三味切以水三升煮二物取一升去滓內芒硝更煮

微沸温温頓服以調胃承氣則愈忌海藻菘菜

同出第十卷中

○張仲景傷寒論三日亦可服麻黃湯
此云調胃承氣湯非也此方但治三

日發汗不解
蒸蒸發熱者

病源傷寒四日太陰受病太陰者脾之經也為三陰之首

是知三日以前陽受病訖傳之於陰而太陰受病焉其脉

絡於脾主於喉嗑故得病四日腹滿而嗑乾其病在胃膈

也故可吐而愈

又傷寒五日少陰受病少陰者腎之經也其脉貫腎絡肺



傷寒論
高德按
名柴胡
桂枝乾
薑湯主
治亦小
異

繫於舌故得病五日口燥舌乾渴而引飲也其病在腹故
可下而愈矣 並出第七卷中

仲景傷寒論傷寒四五日身熱惡風頸項強脇下滿手足

溫而渴者小柴胡湯主之方

柴胡 半斤 枳實 四兩 桂心 三兩 黃芩 三兩

牡蠣 三兩 甘草 炙二兩 乾薑 三兩

右七味切以水一斗二升煮取六升去滓更煎取三升

溫服一升日三服初服微煩溫覆汗出者便愈也忌生

葱海藻菘菜 范汪同出第三卷中 ○仲景傷寒論名柴
胡姜桂也合用柴

胡人參甘草黃芩半夏生薑大棗七
味小柴胡湯是也玉函千金翼同



尚德按
胃病源
作胃

尚德按
熟字下
王至有
未可二字

病源傷寒六日厥陰受病厥陰者肝之經也其脉循陰絡於肝故得病六日煩滿而囊縮也此則陰陽俱受病毒氣在胃故可下而愈

又傷寒七日太陽病衰頭痛少愈傷寒七日病法當小愈

陰陽諸經傳盡故也今七日以後病反甚不除者欲為再

經病也再經病者是陰陽諸經絡重受病故也

並出第七卷中

仲景傷寒論療傷寒不大便六七日頭痛有熱與承氣湯

其人小便反清者知不在裏仍在表也當須發汗若頭痛

者必衄血宜桂枝湯方

士弱氏曰藥非衄後用乃當汗時用則不衄矣先未汗故衄耳

桂枝湯方



医药大学图书馆版

桂枝

芍藥 各三兩
甘草 炙二兩
生姜 三兩

大棗

十二枚

右五味切以水七升煮取三升去滓温服一升須臾

稀粥一升助藥力覆取微汗忌生葱海藻菘菜

集驗傳

急文仲范注同

○仲景傷寒論此方六七
日病在表者可服之

又傷寒五六日嘔而發熱者柴胡湯証具而以他藥下之

柴胡証仍在故可與柴胡湯此雖已下之不為逆必蒸蒸

而振却發熱汗出而解

病源傷寒八日陽明病衰身熱少愈傷寒八日病不解者

或是諸陰陽經絡重受於病或因發汗吐下之後毒氣未



盡所以病證猶存也

又傷寒九日少陽病衰耳聾微聞傷寒九日以上病不除

者或初一經受病即不能相傳或已傳三陽訖而不復傳

於陰致停滯累日病證不罷者或三陽三陰傳病已畢又

重感於寒故日數多而病候改變

出第七卷中

仲景傷寒論療傷寒八九日風濕相搏身體疼痛而煩不

能自轉側不嘔不渴下之脉浮虛而濇者屬桂枝附子湯

若大便鞭小便自利者附子白朮湯

桂枝附子湯方

桂心 四兩

附子 三枚炮 去皮

生姜 三兩

甘草 二兩炙

尚德按
傷寒論
無下之
二字



大棗 十二枚

右五味切以水六升煮取二升去滓温分三服忌生葱

猪肉海藻菘菜

附子白朮湯方

白朮 四兩

大棗 十二枚

甘草 炙一兩

生姜 二兩

附子 三枚炮去皮四破

右五味切以水六升煮取二升去滓温分三服初一服

其人身如痺半日許復服之都盡其人如胃狀者勿怪

此以附子朮併走皮中逐水氣未除故使人如胃狀也

本云附子一枚今加之二枚名附子湯忌葱猪肉菘菜

尚德按
傷寒論
甘草二
兩生薑
三兩



海藻桃李雀肉等

千金翼同出第十一卷中

張仲景論法

加桂枝四兩此本一方二法以大便鞭小便自利故去桂也
以人便不鞭小便不利當加桂附子三枚恐多也
虛弱家及產婦宜減之此二方但治風濕非治傷寒也

病源傷寒十日太陰病衰腹減如故則思飲食十一日少

陰病衰渴止不滿舌乾已而噎十二日厥陰病衰囊縱少

腹微下大氣皆去病日已矣
出第七卷中素問太素甲乙

竝同

仲景傷寒論療吐下之後不大便五六日至十餘日日晡所發潮熱不惡寒獨語如見鬼狀若劇者發則不識人循衣摸床惕而不安微喘但發熱讖
讖疾而寤寐自語也語者屬大承

卷



氣湯方

大黃

去皮四兩

陳枳實

炙五枚

芒硝

三合

厚朴

半斤

右四味切以水一斗先煮二物取五升去滓內大黃煮

取二升去滓內芒硝煮一二沸分爲兩服初一服便得

利者止後服不必盡劑

千金方并翼同出第五卷中

又太陽病過經十餘日及二三下之後四五日柴胡證仍

在者先與小胡柴湯嘔不止心下急一云嘔止小安鬱鬱微煩者

爲未解也可與大柴胡湯下之即愈方

柴胡

半斤

黃芩

芍藥

各三兩

半夏

辛斤水

大棗

十三枚

生薑

五兩

枳實

四枚炙



通按
傷寒本
又作已
而微利

右七味切以水一斗二升煮至六升去滓更煎取三升

温服一升日三服一方加大黃二兩今不加大黃恐不

名爲大柴胡湯也忌羊肉鴆兼主天行千金翼附後同

又傷寒十三日不解胃脇滿而嘔日晡所發潮熱熱畢而

微利此本柴胡證下之不得利今反利者知證以丸藥下

之此非其治也潮熱者實也先宜服小柴胡湯以解其外

後以柴胡加芒硝湯主之方

柴胡

二兩十
六銖

黃芩

人參

甘草

炙

生薑

各一兩

半夏

五枚

大棗

四枚擘

芒硝

二合

右八味切以水四升煮七味取二升去滓下芒硝更上



火煎一二沸分爲兩服未解更作忌海藻菘菜羊肉錫

等

出玉函經一方芒硝三合桑螵蛸五個大黃四分

取一升半溫服五合微下愈本云柴胡湯再服

其外取愈一方外加芒

硝大黃桑螵蛸是也

肘後方七首

肘後療傷寒有數種庸人不能分別今取一藥兼療者若

初覺頭痛肉熱脉洪起一二日便作此葱豉湯方

葱白 一虎口
豉 一升綿裹

右二味以水三升煮取一升頓服取汗若汗不出更作
加葛根三兩一方更加升麻三兩水五升煮取二升分
溫再服徐徐服亦得必得汗卽差若不得汗更作加麻



尚德按
肘後用

黃三兩去節服取汗出為效

文仲同

又方

葱白

一握切

米

三合

豉

一升

右三味以水一斗煮米少時下豉後內葱白令大熟

三升分溫三服則出汗

又方

豉

一升綿綿裏

右一味以童子小便三升煮取二升分溫再服汗出為

効集驗方加葱白一升切云神良

支大醫文仲僑急同

又方



葛根 四兩切

右一味以水一斗煮取三升內鼓一升更煮取一

分溫再服取汗為差又方擣生葛根汁一二升服

又療傷寒汗出不歇已三四日胃中惡欲令吐者方

鼓 三升綿裹 鹽 一兩

右二味以水七升煮取二升半去滓內蜜一升又煮三

沸頓服一升安臥當吐如不吐更服一升取吐為效

又方

苦參 三分 甘草 炙一分 瓜蒂 赤小豆 各二七

右四味切以水一升煮取半升一服之當吐吐不止者



作葱豉湯解之必息忌海藻菘菜

又方

苦參

黃芩

各二兩

生地黄

一斤

右三味切以水八升煎取二升服一升或吐下毒物已

蕪荑

深師方四首

深師療傷寒一日至三日應汗者作此湯方

葛根

半斤

烏梅

十四枚

葱白

一握

豉

一升綿裹

右四味切以水九升煮取三升分爲三服初一服便厚

覆取汗汗出粉之



又麻黃解肌湯療傷寒三四日煩疼不解者方

麻黃 三兩去節 苒草 一兩炙 杏仁 七十枚去皮尖熬 桂心

右四味切以水九升先煮麻黃減二升掠去沫乃

藥合煮取二升半絞去滓分服八合以汗出為度忌海

藻松菜生葱 本仲景麻黃湯千金翼並同

又黃芩湯療傷寒六七日發汗不解嘔逆下利小便不利

胃脇痞滿微熱而煩方

黃芩 桂心 各三兩 茯苓 四兩 前胡 八兩

半夏 半升洗

右五味切以水一斗二升煮取六升分為六服日三服



夜三服間食生薑粥投取小便利爲差忌羊肉鴆生薑

酢物

又石膏湯療傷寒病已八九日三焦熱其脉滑數昏愢身
體壯熱沉重拘攣或時呼呻而已攻內體猶沉重拘攣由
表未解今直用解毒湯則攣急不差直用汗藥則毒因加
劇而方無表裏療者意思以三黃湯以救其內有所增加
以解其外故名石膏湯方

石膏

黃連

黃檗

黃芩

各二兩

香豉

一升綿裹

梔子

十枚擘

麻黃

三兩去節

右七味切以水一斗煮取三升分爲三服一日併服出



汗初服一劑小汗其後更合一劑分兩日服常令微溼

出拘攣煩憤即差得數行利心開令語毒折也忌豬肉

冷水 出第十四卷中

小品方四首

小品詔書發汗白薇散療傷寒二日不解方

白薇 二兩

麻黃 七分去節

杏仁 去皮尖熬

貝母 各三分

右四味擣散酒服方寸匕厚覆臥汗出愈

古今錄驗千金同

又雞子湯療發汗後二三日不解頭痛肉熱方

麻黃 一兩去節

甘草 一分炙

右二味切以水二升加雞子白令置水內合和令勻內



藥復攪令和上火煎之勿動煎至一升適寒温頓服之

蓋覆汗出粉傅之有效忌海藻菘菜

古今錄驗備急

張文仲療天行

又葛根湯療傷寒三四日不差身體熱毒方

葛根

八兩

生薑

三兩

龍膽

大青

各半兩

桂心

甘草

炙

麻黃

去節各二兩

萎蕤

一兩

芍藥

黃芩

各二兩

石膏

碎

升麻

各一兩

右十二味切以水一斗先煮葛根麻黃取八升掠去沫

後內餘藥煮取三升分三服日二夜一忌海藻菘菜生

葱

千金同名葛根龍膽湯



又療傷寒六七日其人大下寸脉沉遲手足厥逆下部脉

不至咽喉痛不利唾膿血泄利不止者麻黃升麻湯方

麻黃二兩半 去節 升麻三分 當歸五分 知母

萎蕤一作菖蒲 黃芩各三分 麥門冬去心一作天門冬

桂心 芍藥 乾薑 石膏碎

甘草炙 茯苓 白米各一兩

右十四味切以水一斗先煮麻黃減二升掠去上沫內

諸藥煮取三升去滓温分三服相去如炊三斗米頃令

盡汗出便愈忌海藻菘菜生葱醋桃李雀肉等並出第

六卷中此張仲景傷寒論方○通按千金作麻黃知母 萎蕤黃芩各三兩餘十



味作各二兩為異耳用此方者當以傷寒論為正

集驗方五首

集驗療傷寒時氣溫疫頭痛壯熱脉盛始得一二日者方

真丹砂

一兩末

右一味以水一斗煮之取一升頓服之覆取汗忌生冷

物 千金同

又療疫氣傷寒三日以後不解者方

好鼓

一升綿裹

葱白

切一升

右二味童子小便五升煮取二升分再服覆取汗神效

千金同



又療傷寒五六日斑出以後湯方

豬膽 三合

雞子 一枚

苦酒 三合

右三物合和煎令三沸強人盡服之羸人煎六七沸

為兩服取汗出為効 文仲備急千金同

又療傷寒七八日不解默默煩悶腹中有乾糞譫語大柴

胡湯方

柴胡

半夏 湯洗各八兩

生薑 四兩

知母

芍藥

大黃 各二兩

甘草 炙

一方加枳實 四兩

黃芩 二兩

右十味切以水一斗煮取三升去滓溫服一升日三服



忌海藻菘菜羊肉餒 范汪加人參三兩餘並同千金用

芍藥不用枳實

又療傷寒熱病十日以上發汗不解及吐下後諸熱不除

及下利不止斑出方

大青 四兩 甘草 炙二兩 阿膠 炙珠二兩 豉 一升綿裹

右四味切以水八升煮二味取三升半去滓內豉煮三

沸去滓乃內膠令溶分溫三服欲盡更作當使有餘渴

者當飲但除熱止吐下無毒忌海藻菘菜 肘後深師千

金同出第二卷中

千金方六首 合一十一法



千金治傷寒頭痛項強四肢煩疼青膏方

當歸

芍藥

吳茱萸

附子

烏頭

莽草

蜀椒

各三兩

白芷

三兩

右八味切以醇苦酒漬再宿以豬脂四斤緩火煎候
芷色黃絞去滓以煖酒服棗核大三枚日三服取汗不
知稍增可服可摩如初得傷寒一日苦頭痛背強宜摩
之佳忌豬肉

又少陰病得病二三日口燥咽乾急下之宜承氣湯

又少陰病六七日腹滿不大便者急下之宜承氣湯

又陽明証其人善忘必有蓄血所以然者本有久瘀血故



令善忘雖大便堅反易色必黑宜抵當湯下之

又傷寒有熱而少腹滿應小便不利今反利者此為有血不可餘藥宜抵當丸

又太陽病身黃脉沉結少腹堅小便不利者此為無血也小便自利其人如狂者血證諦也宜抵當湯下之

又陽明病脉遲雖汗出不惡寒體必重短氣腹滿而喘有潮熱者此外欲解可攻裏也手足濇然汗出者此為大便

已堅宜承氣湯主之若汗多而微發熱惡寒為外未解宜芒枝湯其熱不潮未可與承氣湯若腹大滿不大便可少

與承氣湯微和其胃氣勿令致大下

傷寒論
云大承
氣湯主
之
又按少



又按傷寒論云大承氣湯

與承氣湯傷寒

論作與

小承氣

湯

又按傷寒論者

字下有

與水二

字堅作

額下有

而少也

字

又陽明病潮熱微堅者可與承氣湯不堅者勿與之若不

大便六七日恐胃中有燥糞欲知之法可與小承氣湯

腹中轉失氣者為有燥糞乃可攻之若不轉失氣者此

但頭堅後溏不可攻之攻之必脹滿不能食欲飲水者

臑其後發熱者必復堅與小承氣湯和之不轉失氣者慎

不可攻之

夫實則譫語虛則鄭聲鄭聲重語也直視譫語喘滿者死若下

利者亦死

又傷寒四五日脉沉喘滿沉為在裏而反發汗津液越出

大便為難表虛裏實久則譫語



承氣湯方

枳實

陳者五枚炙

大黃

四兩

芒硝

三合

厚朴

半斤

右四味切以水一斗先煮二味取五升內大黃更煮取二升去滓內芒硝更上微火一兩沸分溫再服得下餘

勿服也

小承氣湯方

大黃

四兩

厚朴

二兩炙

枳實

大者三枚炙

右三味切以水四升煮取一升二合去滓分溫再服若

一服得利譫語止勿服之也

又抵當丸方



水蛭 二十枚 熬

桃仁 二十枚 去皮尖雙仁

蚘蟲 二十枚 去足翅熬

大黃 三兩

右四味末下篩合分為四丸以水一升煮一丸取六合

頓服晬時當下血不下仍須服之取血下為效

又承當湯方

水蛭 三十枚 熬

桃仁 二十枚 去皮

蚘蟲 去足翅熬 三十枚

大黃 三兩

右四味切以水五升煮取三升分為三服不下更服

又療傷寒頭痛壯熱百節疼痛湯方

柴胡

芍藥

梔子仁 各四兩

知母 四兩



香豉

一升綿裹

石膏

八兩碎

黃芩

兩

大青

升麻

杏仁

去雙仁皮尖各三兩

右十味切以水九升煮取二升七分合分三服苦熱者

加大黃

四兩並出第十卷中

千金翼方一十三首

合一十三法

千金翼療少陰病一二日口中和其背惡寒者當灸之服

附子湯方

大附子

二枚炮

茯苓

芍藥

各二兩

人參

一兩

白朮

四兩

右五味切以水八升煮取三升温服一升日三服忌豬

小臺必要

一卷

三

經余



肉桃李雀肉酢

又療少陰病二三日咽痛者可與甘草湯不差可與桔梗

湯方

甘草湯方

甘草 二兩

右二味切以水三升煮取一升半服七合日三服忌海

藻菘菜

又桔梗湯方

大桔梗 一兩

甘草 炙三兩

右二味切以水三升煮取一升分兩服吐膿血差忌豬



肉海藻菘菜

又療少陰病二三日至四五日腹痛小便不利下利不止

而便膿血桃華湯方

赤石脂

二斤 綿裹一半全用 半篩末

乾薑

一兩切

梗米

一升

右三味以水七升煮取米熟去滓取七合內赤石脂末

一方寸匕日三服

傷寒論千金崔氏范汪同

又療少陰病得之二三日已上心中煩不得臥者黃連阿

膠湯主之方

黃連

四兩

黃芩

一兩

雞子中黃

二枚

芍藥

二兩

阿膠

三兩炙一云三片

卷一 經余



右五味切以水六升先煮三味取二升去滓內阿膠煮

烱盡小冷內雞子黃攪令相得温服七合日三服忌猪

肉冷水 并出第十一卷中

又療傷寒五六日中風往來寒熱胸脇苦滿嘿嘿不欲飲

食心煩喜嘔或胃中煩而不嘔或渴或腹中痛或脇下痞

堅或心下卒悸小便不利或不渴外有微熱或欬小柴胡

湯方

柴胡 八兩 半夏 洗半斤 生薑 黃芩

人參 甘草 炙各三兩 大棗 十二枚

右七味切以水一斗二升煮取六升去滓更煎取三升



溫服一升日三服但胸中煩而不嘔者去半夏人參
括蕒實一枚若渴者去半夏加入人參合前成四兩半括
蕒根四兩若腹中痛者去黃芩加芍藥三兩若脅下痞
堅者去大棗加牡蠣六兩若心下卒悸小便不利者去
黃芩加茯苓四兩若不渴外有微熱者去人參加桂心
三兩溫覆取微汗若欬者去人參大棗生薑加五味子
半升乾薑二兩忌羊肉餠海藻菘菜

崔氏深師同

又療傷寒五六日大下之後身熱不去心中結痛此為未
解梔子豉湯方

肥梔子 十四枚

香豉 四合綿裹



尚德按
傷寒論
名梔子
生薑豉

右二味以水四升先煮梔子取二升半去滓內豉更煮

取一升半去滓溫分再服若一服得吐餘更勿服之若

嘔者用後梔子加生薑湯傷寒論備急同傷寒兼瀉不得眠

又梔子生薑湯方

肥梔子十四枚

香豉四合

生薑五兩切

右三味以水四升煮梔子生薑取二升半去滓內豉更

煮取一升半去滓溫分再服若一服安即勿服傷寒論

同並療虛煩不得眠耳

又傷寒六七日結胸熱實其脉沉緊心下痛按之如石堅

宜陷胸湯主之方



名大陷
胸湯傷
藥論同

大黃 六兩切

芫遂末 一錢

芒硝 一升

右三味以水六升先煮大黃取二升去滓內芒硝煮一

二沸乃內芫遂小溫分再服得快利止後服

又傷寒若吐若下後七八日不解熱結在裏表裏俱熱時

時惡風大渴舌上乾燥而煩欲飲水數升者白虎加人參

湯主之

又諸衄血家不可與白虎湯虛者亦不可與李得之腹痛

而利者但可溫之

又傷寒無大熱而口乾渴心煩其背微惡寒者白虎湯主

之



又傷寒脉浮發熱無汗其表不解者不可與白虎湯渴欲

飲水無表証者白虎湯主之方

尚德按
傷寒論

知母 六兩

石膏 一升碎
綿裹

甘草 三兩
炙

粳米

右四味切以水一斗二升煮取米熟去米內藥煮取六

升去滓分六服日三服忌海藻菘菜

千金傷寒論備急
文仲崔氏范汪經

心錄同諸家兼
療天行之病

又白虎加人參湯方

石膏

粳米

各一升

知母

六兩

人參

三兩

甘草

二兩炙

右五味切以水一斗二升煮米熟內藥煮取六升去滓

升傷寒
云取六
論同白
虎加人
參湯亦
做此



分服一升日三服此方立秋後立春前不可行白虎湯
正二三月時尚冷亦不可與服與之則嘔利而腹痛息
海藻菘菜

又療傷寒八九日下之後胃滿煩驚小便不利譫語
盡重不可轉側柴胡加龍骨牡蠣湯方

柴胡 四兩

黃芩

生薑

龍骨

人參

牡蠣 熬

鈎丹

桂心

茯苓 各一兩半

半夏 二合半湯洗

大棗 六枚

大黃 二兩

右十二味切以水八升煮取四升內大黃切如博碁子
煮取二升去滓溫分再服忌羊肉飴生葱酢物



又陽明病發熱而汗出此爲熱越不能發黃也但頭汗出
其身無有劑頸而還小便不利渴引水漿此爲瘀熱在裏
身必發黃宜服茵陳湯方

茵陳

六兩

大肥梔子

十四枚擘

大黃

二兩

右三味切以水一斗二升先煮茵陳減六升去滓內諸
藥煮取三升分三服小便當利如皂莢沫狀色正赤一

宿腹減黃從小便去

並出第九卷中

崔氏方一十五首

崔氏療傷寒始得一二日方

便可灸頂三壯又灸大椎三壯各加至五壯益良用



之驗大椎平肩斜齊高大者是也仍不得侵項分取
之則非也上接項骨下肩齊在椎骨節上是餘穴盡
在節下凡灸刺不得失之毫釐今崔氏不定高下是
以言之

出黃帝鍼灸經

又療傷寒一日至三日可發汗度瘧散方

麻黃

十分
去節

桔梗

蜀椒

汗

細辛

白朮

吳茱萸

防風

各四
分

烏頭

炮

乾薑

桂心

各五
分

右十味擣篩為散溫酒服方寸七溫覆取汗或數服得
汗即止若得病一二日而輕者服此藥皆得汗解若得

便重者頗不能解也然可以二大豆許著鼻孔中覺燥

涕出一日可三四著必愈兼辟天行病忌猪肉生葱生

菜桃李雀肉等

又療傷寒勅色惡寒發熱體疼發汗神丹丸方

人參 五分

烏頭 四分炮

半夏 五分洗

茯苓 五分

朱砂 一分研

附子 四分炮

右六味擣為末蜜和丸如大豆每服三丸生薑湯下發

汗出令體中澼澼然如汗未出更以熱粥投之令汗出

若汗少不解復如前法若得汗足不解當服桂枝湯此

藥多毒飲水解其熱愈周護軍子期自說天行用之甚

通按
勅字作
赤



良故記之忌豬羊肉大酢生血等物 刪繁范在同兼主

天行

又療傷寒服度瘴散而不汗出者便作葱豉湯方

葱 十四莖

豉 一升綿裹

右二味以水三升煮取一升頓服溫煖覆取汗出勝度

瘴散也 與前肘後方重

又療傷寒服葱豉湯不得汗可服葛根湯方

葱白 十四莖

豉 一升綿裹

葛根 三兩切

右三味以水五升煮取二升分爲再服溫覆取汗汗不

出更服余時用此一服輒汗略不再服救數十人其效



又療傷寒前軍府直吏周虎服葛根湯再服不得汗余更視之甚惡寒而拘急更思作麻黃湯以解之方

麻黃 二兩 去節

葛根 三兩

葱白 十四 莖

豉 一升 綿裹

右四味切以水七升煮取二升半分三服虎再服快汗愈其疹與周虎相似者服之皆汗十餘人差

又療傷寒阮河南蒸法

薪火燒地良久掃除去火可以水小灑取蠶沙若桃

葉桑栢葉諸禾糠及麥麩皆可取用易得者牛馬糞

亦可用但臭耳桃葉欲落時可益收取乾之以此等

物著火處令厚二三寸布席臥上溫覆用此發汗汗



皆出若過熱當細審消息大熱者可重席汗出周身

輒便止當以溫粉粉身勿令遇風

又療傷寒三五日疑有黃則宜服此油方

取生烏麻清油一盞水半盞以雞子白一枚和之

攪令相得作一服令盡

又小前胡湯療傷寒六七日不解寒熱往來胃脇苦滿

默不欲飲食心煩喜嘔寒疝腹痛方

胡洽云出張仲景

前胡 八兩

半夏 半升

生薑 五兩

黃芩

人參

甘草 炙各三兩

乾棗 十二枚

右七味切以水一斗煮取三升分四服忌羊肉鴆海藻



菘菜 古今錄驗同

○仲景方用柴胡不用前胡今詳此方治寒疝腹痛恐性涼耳合用神

景柴胡桂薑湯今崔氏用之未知其可也

又療傷寒或始得至七八日不大便或四五日後不大便或下後秘塞者承氣湯方

厚朴

炙

大黃

各三兩

枳實

六片

右三味切以水五升煮取二升體強者服一升羸者服

七合得下必效止

范汪同

又若胃中有燥糞令人錯語正熱盛亦令人錯語若秘而

錯語者宜服承氣湯通利而錯語者宜服下四味黃連除

熱湯承氣湯舊用芒消余以有毒故去之用之數年安穩



得下良既服湯亦應外用生薑兌讀作鐵下同使必去燥糞

服湯兼兌而並不得下者可依本方加芒消一兩

又薑兌法

削生薑如小指長二寸鹽塗之內下部中立通

又方

以豬膽灌下部用亦立通

張仲景傷寒論云豬膽和法醋少許灌穀道中

又前軍督護劉車者得時疾三日已汗解因飲酒復劇苦

煩悶乾嘔口燥呻吟錯語不得臥余思作此黃連解毒湯

方

黃連 三兩

黃芩

黃蘗 各二兩

梔子 十四枚擘



右四味切以水六升煮取二升分二服一服目明再服
 進粥於此漸差余以療凡大熱盛煩嘔呻吟錯語不得
 眠皆佳傳語諸人用之亦效此直解熱毒除酷熱不必
 飲酒劇者此湯療五日中神效忌豬肉冷水

又大前胡湯療傷寒八九日不解心腹堅滿身體疼痛內

外有熱煩嘔不安方

胡洽云出
張仲景

前胡 半斤

半夏 半升
洗

生薑 五兩

枳實 八片
炙

芍藥 四兩

黃芩 三兩

乾棗 十二枚
擘

右七味切以水一斗煮取三升分四服日三夜一服忌

羊肉餒等物

古今錄驗同

○張仲景用柴胡不用前胡
 本云加大黃二兩不加



黃恐不名
大柴胡湯

又凡少陰病寒多表無熱但苦煩憤默默而極不欲見
有時腹痛其脉沈細而不喜渴經日不差舊用四順湯
怪其熱不甚用也若少陰病下利而體猶有熱者可服黃
連龍骨湯若已十餘日而不利不止手足徹冷及無熱候
者可服增損四順湯方

黃連龍骨湯見
第三卷天行中

甘草 二兩

人參 二兩

龍骨 二兩

黃連

乾薑 各二兩

附子 中形者一枚
炮去黑皮

右六味切以水六升煮取二升分再服不差復作甚良
若下而腹痛加當歸二兩嘔者加橘皮一兩忌海藻菘

菜豬肉冷水

又療少陰病二十日後下不止可服陟釐丸浩京方

陟釐 四兩不用鹹者

當歸 四兩

漢防已 三兩

黃連

紫石英 別搗末細研二兩

豉 三升

厚朴 二兩

苦酒 五升

右八味切以二升苦酒漬防已一宿出切炙之燥復內

苦酒中盡止又以三升苦酒漬豉一宿小蒸之研絞取

汁擣下篩諸藥以酒豉汁和之丸如梧桐子大冷漿水

服二十九丸極燥乃可服之忌豬肉冷水 並出第一卷中

張文仲方一十首



張文仲葛氏療傷寒及溫病頭痛壯熱脉盛始得一二日

方

破雞子一枚著冷水半升中攪令相得別煮一升水

令沸以雞子水投其湯中急攪調適寒溫頓服覆取

汗備急同

又療傷寒二三日以上至七八日不解者可服小柴胡湯

方

柴胡半斤

人參

甘草炙

黃芩

生薑各二兩

半夏五合

大棗十二枚

右七味切以水一斗二升煮取三升分三服微覆取汗



半日便差不差更服一劑忌羊肉鰻海藻菘菜

備急菘

汪千金翼方重

又療傷寒溫病等三日以上胃中滿陶氏云若傷寒溫病

已三四日胃中惡欲令吐者服酒膽方

苦酒 半升

豬膽 一枚

右二味和盡服之吐則愈神驗支云去毒氣妙

胡洽集

驗備急千金同

又療傷寒近效方凡胃中惡痰飲傷寒熱病瘴瘧須吐者

方

鹽末

一大匙



右一味以生熟湯調下須臾則吐吐不快明旦更服

良備急同

又瓜蒂散主傷寒胃中痞塞宜吐之方

瓜蒂

赤小豆各一兩

右二味搗散白湯服一錢七取得吐去病差止

備急經

心錄范汪同

又療傷寒已四五日頭痛體痛肉熱如火病入腸胃宜利

瀉之方

生麥門冬

一升去心

生地黄

一切一升

知母

二兩

生薑

五兩半

芒消

二兩半



右五味以水八升煮取二升半內芒消煎五沸分五服

取利為度忌蕪荑 備急同

又療傷寒五日以上宜取下列陶氏云若汗出大便堅而

譖語方

大黃 四兩

厚朴 二兩

枳實 四枚

右三味以水四升煮取一升二合分兩服通者一服止

此是仲景方備急范汪同與前千金崔氏方重

又療傷寒八九日不差名為敗傷寒諸藥不能消者方

鼈甲 炙

蜀升麻

前胡

烏梅

枳實 炙

犀角 屑

黃芩 各二兩

甘草 一兩



生地黄 八合

右九味切以水七升煮取二升半分五服日三服

服 出支太

忌海藻菘菜苣菜蕪荑 備急方同

又若十餘日不大便者服承氣丸方

大黃 杏人 去皮尖 各二兩 枳實 一兩 炙 芒消 一合

右四味擣下篩蜜和丸如彈子以生薑湯六七合研一

丸服之須臾即通不通更服一丸取通為度 備急同

又療晚發傷寒三月至年末為晚發方

生地黄 一斤 打碎 梔子 二十枚 擘 升麻 三兩

柴胡 石膏 各五兩



右五味切以水八升煮取三升分五服頻頻服若不
更服若頭面赤去石膏用乾葛四兩無地黃用豉
煮取三升分三服忌蕪萸 備急同並出第二卷中

古今錄驗方八首

古今錄驗陽毒湯療傷寒一二日便成陽毒或服藥吐下
之後變成陽毒身重腰背痛煩悶不安狂言或走或見神
鬼或吐血下利其脉浮大數面赤斑斑如錦文喉咽痛唾
膿血五日可療至七日不可療也宜服升麻湯方

升麻二分

當歸二分

蜀椒 汗一分

雄黃 研

三子

桂心 各一分

甘草 二分

鼈甲 大如手一片炙



右八味切以水五升煮取二升半分三服如人行五

久再服温覆手足毒出則汗汗出則解不解重作服

取得吐佳陰毒去雄黃忌海藻菘菜生葱莧菜

子桂心陰毒
去雄黃蜀椒

又陰毒湯療傷寒初病一二日便結成陰毒或服湯葢

七日以上至十日變成陰毒身重背強腹中絞痛喉咽

利毒氣攻心心下堅強短氣不得息嘔逆脣青面黑四

厥冷其脉沈細緊數一本無仲景云此陰毒之候身加

打五六日可療至七日不可療宜服甘草湯方

甘草炙

升麻

當歸各二分

蜀椒一分出汗



鼈甲

大如手
一片炙

右五味切以水五升煮取二升半分再服如人行五

頃復服溫覆當出汗汗出則愈若不得汗則不解膏

服令汗出忌海藻菘菜莧菜

千金集驗備急文仲小
肘後同並出第二卷中

又還竟丸療傷寒四五日及數年諸癖結堅心下飲食

消目眩四肢疼咽喉不利壯熱脾胃逆滿腸鳴兩脇裏

飛尸鬼注邪氣或為驚恐傷瘦背痛手足不仁口苦舌

天行發作有時風溫不能久住吐惡水方

巴豆

去心
皮熬

甘草

炙

朱砂

芍藥

各二兩

麥門冬

二兩
去心



右五味各擣下篩合和以蜜擣三千下丸如語桐子大
每服兩丸葱棗湯下小兒二歲以上服如麻子大
日二服忌海藻菘菜野豬肉蘆笋生血物
又麥奴丸療傷寒五六日以上不解熱在胃中口噤不能
言唯欲飲水爲敗傷寒醫所不療方

麻黃 去節

大黃

芒消

竈突中墨

黃芩

各二分

麥奴

梁上塵

釜底墨

各一分

右八味擣篩蜜和如彈丸以新汲水五合研一丸病者
渴欲飲水但極飲冷水不節升數須臾當寒寒訖汗出
則愈若日移五丈不汗依前法服一丸以微利止藥勢



盡乃食當冷食以除藥勢一名黑奴丸小麥黑勃名爲

麥奴是也

肘後胡洽小品刪繁張文仲深師范汪錄廣濟並同

又解肌湯療傷寒發熱身體疼痛方

葛根

四兩

麻黃

去節

茯苓

各三兩

牡蠣

二兩熬

右四味切以水八升煮取三升分三服徐徐服之得汗

通則止忌酢物

千金有生薑甘草

又調中湯療夏月及初秋忽有暴寒折於盛熱熱結四肢

則壯熱頭痛寒傷於胃則下痢或血或水或赤帶下壯熱

且悶脉微且數宜下之方

大黃

葛根

黃芩

芍藥



桔槔

茯苓

藁本

白朮

甘草

炙各二兩

右九味以水九升煮取三升分三服服別相去一

勿以食隔須取快下壯熱便歇其下亦止也凡秋夏

熱積日忽有暴寒折之熱無可散喜搏著肌中作壯熱

氣也胃爲六腑之長最易得傷非忽暴寒傷之而下也

虛冷人則不在壯熱但下痢或霍亂也少實人有服五

石人喜壯熱其適與藥喫斷下則加熱喜悶而死矣亦

有不止便作壅熱毒壯熱甚不歇則劇是以宜此調中

湯下之和其胃氣其表熱者宜前胡大黃下之也忌海



藻菘菜猪肉酢物桃李雀肉等

又療往來寒熱胃脅逆滿桃人承氣湯方

大黃

四兩漬別下

甘草

炙

芒消

湯成下

桂心

各二兩

桃人

五十枚去皮尖碎

右五味以水七升煮取二升半去滓內芒消更煎一兩

沸温分三服忌海藻菘菜

太醫較尉史脫方肘後傷寒論千金翼同並出第二卷中

雜療傷寒湯散丸方八首

並是論中所要者

范汪療傷寒勅色頭痛頸強賊風走風黃膏方

大黃

附子

細辛

乾薑

蜀椒

去目

桂心

各一兩

巴豆

好者五十枚去皮



右七味各切以淳苦酒漬藥一宿以臘月豬脂一斤
之調適其火三上三下藥成傷寒勅色發熱酒服如栲
桐子許又以摩身數百遍兼療賊風絕良風走肌盧筍
風所在摩之已用有效 此趙泉方千金同忌野豬肉生
葱生菜蘆筍

又療傷寒白膏摩體中手當千遍藥力方行并療惡瘡小
兒頭瘡牛領馬鞍皆療之先以鹽湯洗惡瘡布拭之著膏
瘡腫上摩向火千遍日再自消方

天雄

烏頭 炮

莽草

羊躑躅

各三兩

右四味各切以苦酒三升漬一宿作東向露竈又作十

二聚濕土各一升許成煎豬脂三斤著銅器中加竈土

炊以葦薪為火令膏釋內所漬藥炊令沸下著土聚

沸定頃上火煎如此十二過令土聚盡遍藥成絞去滓

傷寒頭痛酒服如杏核一枚溫覆取汗咽痛含如棗核

日三咽之不可近目 千金同忌豬肉等

又崔文行解散療傷寒發熱者方 一名皮瘴散

烏頭 一斤 燒 桔梗 細辛 各四兩 白朮 八兩

右四味擣散皆令盡若中寒服一錢七覆取汗若不覺

復少增服之以知為度時氣不和且服錢五七辟惡氣

欲省病服一服皆酒服忌生菜豬肉桃李雀肉等 千金同

尚德按 咽之千 金作摩 尚德按 皮疑當 作度



高德按
千金云
進上粥
一杯以
發之

又六味青散療傷寒勑色惡寒者方勑通作赤

烏頭炮

桔梗

白朮

各十分五分

附子炮五分

防風

細辛

右六味擣篩為散溫酒服錢五匕不知稍增服後食頃

不汗出者飲薄薄粥一升以發之溫覆汗出澀澀可也

勿令流離勿出手足也汗微出勿粉若汗大出不止溫

粉粉之不得汗者當更服之得汗而不解當服神丹丸

忌生菜豬肉桃李雀肉等千金同

又服桂枝湯大汗出後脉洪大者與桂枝湯如前法若形

如瘧一日再發者汗出便解屬桂枝二麻黃一湯主之方



桂心一兩七銖 杏人十六枚去尖皮 芍藥一兩六銖 麻黃一兩七銖

生薑一兩六銖切 甘草炙一兩二銖 大棗五枚

右七味切以水五升先煮麻黃一兩沸掠去沫乃內諸

藥煮得二升去滓溫服一升日再本云桂枝湯二分麻

黃湯一分合為二升分再服今合為一方忌海藻菘菜

生葱本張仲景傷寒論方集驗療天行

又療傷寒及天行瓜蒂散吐方

赤小豆一兩 瓜蒂一兩

右二味擣作散溫湯二合服一錢匕藥下便臥若吐便

且急忍也候食頃不吐者取錢五匕散二合湯和服之



便吐矣不吐復稍增以吐爲度吐出青黃如菜汁者
升以上爲佳若吐少病不除者明日如前法復服
至再三不令人虛也藥力過時不吐服湯一升助
也吐出便可食無復餘毒若服藥過多者益飲冷水解

之

與前張文仲方重

又療傷寒熱病辟毒氣疫疠七疔赤散方

朱砂

烏頭

炮各二兩

細辛

躑躅

乾薑

白朮

各一兩

栝樓

一兩半

右藥擣散服半錢匕用酒調服汗出解不解增至一錢
匕除邪氣消疫癘忌桃李雀肉生菜豬肉生血等物

出

又療傷寒雪煎方

麻黃

十斤去節

杏仁

四升去尖皮熬擣為膏

大黃

一斤十三色者各細

右三味以雪水五石四斗漬麻黃於東向竈釜中二宿

入大黃攪調炊以桑薪煮至二石去滓復於釜中下杏

人膏煎至六七斗絞去滓置銅器中更以雪水三斗合

煎得二斗六升其藥已成可丸如彈子大有病者以三

沸白湯五合研一丸入湯中適寒溫服立汗出若不愈

者復服一丸密封藥勿令泄氣也 此本出第三卷中十

金同



朝奉郎提舉藥局兼太醫令醫學博士臣裴宗元
鞅
右從事郎充兩浙東路提舉茶塩司幹辦公事趙子孟較
勛

重訂唐王燾先生外臺秘要方第一卷終

